

[MISSINGIUT]

MitID aamma NemLog-in pillugit inatsisip Kalaallit Nunaannut atuutilernissaanut peqqussut

UAGUT MARGRETHEP AAPPAAAT, Guutip saammaassineratigut, uppersarparput:

MitID aamma NemLog-in pillugit inatsimmi nr. 783, 4. maj 2021-meersumi § 26 naapertorlugu aalajangersarneqarpoq, inatsit Kalaallit Nunaannut atuutissasoq imatut allassimalluni:

Immikkoortoq I **Aalajangersakkat nalinginnaasut**

Kapitali 1 *Inatsisip atuuffii*

§ 1. Inatsit atorpeqassaaq atortulersuutitigut aaqqissuussanut aamma inuiaqatigiinni digitalimik kinaassutsinut aamma elektroniskimik kinaassutsimik qulakkeerissutinut tulliuuttut tunngavigalugit atulersinneqartunut:

- 1) Danskit inuiaqatigiivini elektroniskimik kinaassutsimik qulakkeerinnermut aaqqissuussineq (MitID-imik aaqqissuussineq).
- 2) Pisortat ataatsimoorullugu digitalimik atortulersuutitigut aaqqissuussinerat (NemLog-in).

Kapitali 2 *Isumasiutit*

§ 2. Uani inatsimmi paasineqassapput:

- 1) MitID-imik aaqqissuussineq: Danskit inuiaqatigiivini elektroniskimik kinaassutsimik qulakkeerinnermut aaqqissuussineq.
- 2) MitID: Inuiaqatigiinni inuup digitalimik kinaassusaa aamma tassunga atasut kinaassutsimik qulakkeerinnissutit elektroniskit, inuit aamma inuussutissarsiordermi atuisut digitalimik kinaassusaannut atalilerneqarsinnaasut. MitID tassaavoq nuna tamakkerlugu inunnut kinaassutsimik qulakkeerisoq.
- 3) Uppersarsaneq: Ingerlaneq digitalimik kinaassutsimik ilisarinnittoq aamma qulakkeerisoq, elektroniskimik kinaassutsimik paasinninnermut atortoq aqquutigalugu.
- 4) Qulakkeerinninnermik qaffasissuseq (sikringsniveau): Digitalimik kinaassutsimik autentificerikkamut tatiginninnerup qaffasissusaa. Autentifikationimut qulakkeerinninnermik qaffasissutsinut pingasunut immikkoortitsisoqarpoq, tassaasut appassissoq, pingaartoq akunnattoq aamma qaffassissoq.

- 5) Autentifikation isumannaatsoq: Autentifikationsi pingaarutilimmik imaluunniit qaffasissumik qulakkeerinnittoq.
- 6) NemLog-in: Pisortat ataatsimoorullugu digitalimik atortulersuutitigut aaqqissuussinerat, inuit aamma inuussutissarsiuqarnikkut atuisut digitalinik kinaassuseqartut digitalimik sullississutitut aaqqissuussatigut imminnut sullissinnaalersitsisoq. NemLog-in aamma inuiaqatigiinni kinaassutsinik qulakkeerinnittuuvoq inuussutissarsiuqarnikkut kinaassutsinut. NemLog-in-ip imarai kiffartuussinerit § 8, imm. 2-mi aamma 3-mi taaneqartut.
- 7) Inuk: Inuk, taamaallaat imminut pilluni iliuuseqartoq inatsisitigut suliaqarfimmuut attuumassuteqarani, aamma inuussutissarsiuqarnikkut atuisuunngitsaq.
- 8) Inuussutissarsiuqarnikkut atuisoq: Inuk, pisortat oqartussaaffiannut, pisortat suliaqarfiannut imaluunniit inatsisitigut suliaqarfimmuut attuumassutilik, ataatsimik imaluunniit arlalinnik inuussutissarsiuqarnikkut kinaassuseqarluni NemLog-in-imi kiffartuussiveqarfimmi Erhvervsadministrationimi atuisunngortitaq.
- 9) Inatsisitigut suliaqarfik: Inatsisitigut suliaqarfik cvr-normoqartoq, tak. Det Centrale Virksomhedsregisteri pillugu inatsit, pisortat oqartussaqaarfiginngisaat imaluunniit pisortat suliaqarfiginngisaat.
- 10) Pisortat oqartussaqaarfia: Naalagaaffiup oqartussaqaarfii, Namminersorlutik Oqartussat oqartussaqaarfii aamma kommunit oqartussaqaarfii.
- 11) Pisortat suliaqarfia: Suliaqarfiit,
 - a) pilersinneqarsimasut immikkut siunertaralugu nalinginnaasumik pisariaqartitsinerit naammassiniarlugit, taamaattoq suliffissuaqarnermi imaluunniit niuernermi pisariaqartitat pinnagit,
 - b) inuit inatsisitigut pisinnaatitaasut pisussaataasullu, aamma
 - c) affaa angullugu naalagaaffimmit, Namminersorlutik Oqartussat oqartussaqaarfiinit imaluunniit oqartussaqaarfiinit aningaasalersorneqartut imaluunniit allanit pisortat inatsisitigut suliaqarfiinit imaluunniit taakkunanga pisortaqaarfinit pisortaqaarfiinit nakkutigineqartut imaluunniit suliaqarfiinit imaluunniit siulersuisoqartut imaluunniit qullersaqarfeqartut imaluunniit nakkutiginnittunik siunnersuisoqatigeqartut, taakkunani ilaasortat affaat sinnerlugit ilaasortaqaartut naalagaaffimmit, Namminersorlutik Oqartussat oqartussaqaarfiinit imaluunniit kommunit oqartussaqaarfiinit imaluunniit allannit pisortat inatsisitigut suliaqarfiinit toqqarneqartartunik.
- 12) Digitalimik imminut kiffartuunnermut aaqqissuussaq: It-systemi, inuit imaluunniit inuussutissarsiuqartut digitalinik kinaassusillit digitalimik imminut kiffartuussissummik uppernarsarneqareernerimikkut atuisinnaasut.
- 13) Digitalimik kinaassuseq: Data-t katersukkat, inummik imaluunniit inuussutissarsiuqartumik asseqanngitsumik kinaassusiliisut.
- 14) Elektroniskimik kinaassusersiinerit atortoq: Atortoq, atortoq tigussaannngitsaq imaluunniit taakkuninnga illugiisitsisoq, inummik kinaassusersiinerit datanik imaqartoq, aamma digitalimik imminut kiffartuunnermut aaqqissuussani autentifikationimut atortoq. Elektroniskimik kinaassusersiinerit atortoq,

elementimik ataatsimik imaluunniit arlalinnik sannaqartoq, immikkut elektroniskimik kinaassusersiinnermut atortunik.

- 15) Sullissinermik ingerlatsisoq: Pisortat oqartussa qarfiat, pisortat sulia qarfiat imaluunniit inatsisilerinermik sulia qarfik, digitalimik imminut kiffartuussissummut ataatsimut imaluunniit arlalinnut akisussaasuusoq.
- 16) Atuisut kattuffiat: Pisortat oqartussa qarfiat, pisortat inatsisitigut sulia qarfiat imaluunniit inatsisilerinermik sulia qarfik, sullissivimmut Erhvervsadministration i NemLog-in-imut atasoq aamma inuussutissarsiteqarnikkut atuisutik pillugit atuisoq.
- 17) Brokeri: Pisortat oqartussa qarfiat, pisortat inatsisitigut sulia qarfiat imaluunniit inatsisilerinermik sulia qarfik, digitalimik kinaassutsinik uppernarsaanernik ingerlatitseqqiisoq.

Immikkoortoq II MitID-imik aaqqissuussineq

Kapitali 3

MitID-imik aaqqissuussinermik aamma MitID-imik atugassiineq

§ 3. Danmarkimi Digitaliseringsstyrelsenip MitID-imik aaqqissuussineq pisortat oqartussa qarfiinut, pisortat inatsisitigut sulia qarfiinut imaluunniit inatsisilerinermik sulia qarfinnut atorneqarsinnaatippaa. Danmarkimi Digitaliseringsstyrelsenip aaqqissuussinermik ineriartortitsineq, ingerlatsineq aamma aserfallatsaaliineq isumannaarpai.

Imm. 2. Danmarkimi Digitaliseringsstyrelsenip MitID ininnut aamma inuussutissarsiteqartunut atorneqarsinnaatippaa, imaassimappat taakkua MitID-imik atulersitsinnermut piunasaqaatit eqquutikkaat, § 4, imm. 2 malillugu aalajangersarneqartut.

Kapitali 4

MitID-imik aaqqissuussinermik aamma MitID-imik ingerlatsineq

§ 4. Danmarkimi Digitaliseringsstyrelsenip ingerlatsinermi suliassat makkua isumannaarpai:

- a) Inuit kinaassusiannik isumannaarinninneq, kinaassutsinik nalunaarsuineq aamma inunnut MitID-imik atulersitsineq, atorunnaarsitsineq, matusineq aamma ammaaqqiineq, imm. 2-mi malittarisassat aalajangersakkat malillugit.
- b) Inuussutissarsiteqartunut kinaassusersiissutinik atulersitsineq, matusineq, atorunnaarsitsineq aamma ammaaqqiineq, imm. 2-mi malittarisassat aalajangersakkat malillugit.

Imm. 2. MitID-imik aaqqissuussinermik aamma MitID-imik, ingerlatsinnermut malittarisassanik finansministeri aalajangersaassaaq, tassunga ilagitillugit inuit kinaassusiannik isumannaarinnermut, kinaassutsinik nalunaarsuinnermut, atulersitsinnermut, inunnut aamma inuussutissarsiteqartunut MitID-imik matusinnermut, atorunnaarsitsinnermut aamma ammaaqqiinnermut malittarisassanik, malittarisassallu taakkua malillugit aalajangikkat

pillugit Danmarkimi Digitaliseringsstyrelsenimut naammagittaalliorsinnaanermut malittarisassanik.

§ 5. Danmarkimi Digitaliseringsstyrelsenip toqqarsinnaavai pisortat oqartussaqaarfii, pisortat inatsisitigut suliaqaarfii imaluunniit inatsisilerinermik suliaqaarfiit Danmarkimi Digitaliseringsstyrelseni sinnerlugu § 3, imm 1, pkt. 2. malillugu suliaqartussatut, aamma § 4, imm. 1 malillugu suliaqartussatut.

Imm. 2. § 4, imm. 1 malillugu kommunalbestyrelsi Danmarkimi Digitaliseringsstyrelseni sinnerlugu sulianik isumaginnittuusaaq.

Kapitali 5

MitID-imik aaqqissuussinermik aamma MitID-imik atuineq

§ 6. Pisortat oqartussaqaarfii aamma pisortat inatsisitigut suliaqaarfii oqartussaqaarfittut suliamik ingerlataqartillugit digitalimik imminut kiffartuussissutinik atuigunik, isumannaassavaat inuit aamma inuussutissarsiuteqartut MitID-eqartut imminut kiffartuunnermut aaqqissuussamik atuisinnaanerit, isernissaq uppenarsaanissamik piunarsaatitaqarpat. Taamatut pisoqartillugu MitID-imik aaqqissuussinermik Danmarkimi Digitaliseringsstyrelseni pissarsisitsisuusaaq.

Imm. 2. Pisortat oqartussaqaarfiisa aamma pisortat inatsisitigut suliaqaarfiisa digitalimik imminut kiffartuunnermut aaqqissuussineri oqartussat suliaannik ingerlatsinermut atorneqanngippata, imaluunniit aaqqissuussinernut atuisinnaaneq isumannaatsumik uppenarsaanermik piunarsaatitaqanngippat, pisortat oqartussaqaarfiisa aamma pisortat inatsisitigut suliaqaarfiisa inuit aamma inuussutissarsiuteqartut MitID-imik aaqqissuussinernut atuisinnaatissinnaavaat. Taamatut pisoqartillugu MitID-imik aaqqissuussinermik Danmarkimi Digitaliseringsstyrelseni pissarsisitsisuusaaq.

§ 7. Inatsisilerinermik suliaqaarfiit atassusiisartutut MitID-imik aaqqissuussinermik atuisinnaapput.

Immikkoortoq III

NemLog-in

Kapitali 6

NemLog-in-imik atugassiineq

§ 8. Danmarkimi Digitaliseringsstyrelsenip NemLog-in pisortat oqartussaqaarfiinut, pisortat inatsisitigut suliaqaarfiinut imaluunniit inatsisilerinermik suliaqaarfinnut atorsinnaatissavaa. Danmarkimi Digitaliseringsstyrelsenip NemLog-inip ineriartortinnissaa, ingerlannissaa aamma aserfallatsaaliornissaa isumannaassavaa.

Imm. 2. Kiffartuussinernik atassusiisartunut NemLog-in makkuninnga sullissinernik imaqarpoq:

- 1) Iserneq aamma uppenarsaaneq, inuit aamma inuussutissarsiuteqartut digitalinik imminut kiffartuunnermik aaqqissuusnaanut ilanngussinnaanerannut isumannaarisooq.
- 2) Digitalikkut sinniisuuneq, makkuninnga kiffartuussinermik isumannaarisooq.

- a) Inummut digitalimik sinniisuuneq, taamaalilluni inuk digitalimik imminut kiffartuunnermik atuinermini pisortat oqartussa qarfiannut imaluunniit pisortat inatsisitigut sulia qarfiannut digitalimik imminut kiffartuunnermik atorsinnaatitsisumut inummik allamik, inuussutissarsiuteqartumik, inatsisilerinermik sulia qarfimmik digitalikkut sinniisoqarsinnaalluni.
- b) Inatsisilerinermik sulia qarfimmik digitalimik sinniisuuneq, taamaalilluni inuussutissarsiuteqartoq nammineerluni inatsisilerinermik sulia qarfimmut sinniisuusinnaasoq, sulia qarfik digitalimik imminut kiffartuunnermik atuinikkut sinniisuutissinnaallugu inuussutissarsiuteqartoq, pisortat oqartussa qarfiannut imaluunniit pisortat inatsisitigut sulia qarfiat, digitalimik imminut kiffartuunnermik, atugassiisumut inatsisilerinermik sulia qarfimmitt allamiit.
- 3) Digitalimik atsiorneq, makkuninnga kiffartuussinermik isumannaarisoq:
- a) Pisortat oqartussa qarfiisa, pisortat inatsisitigut sulia qarfiisa aamma inatsisilerinermik sulia qarfiit, digitalimik imminut kiffartuunnermut aqqissuussani allagartanik digitalimik atsiorsinnaatitsinerannik.
- b) Inuit aamma inuussutissarsiuteqartut allagartanik digitalimik atsiorsinnaatitsinerannik aamma allagartat atsiukkat digitalimik atsiorerisa aamma innarligassaanginnerisa tatiginassusaannik.
- Imm. 3. NemLog-in ima qarpoq kiffartuussivimmik Erhvervsadministration-imik atuisut kattuffiitut, makkuninnga kiffartuussinermik isumannaarisoq:*
- a) Pisortat oqartussa qarfiisa, pisortat inatsisitigut sulia qarfiisa aamma inatsisilerinermik sulia qarfiit pilersitsisinnaanerannik, ingerlatsisinnaanerannik aamma inuussutissarsiornikkut kinaassutsinik atuisinnaanerannik kiisalu kinaassusersiinnermut atortunik elektroniskinik tunisisinnaanerannik aamma ingerlatsisinnaanerannik, taakkua atuisutut kattuffittut kinaassusersiinnermik isumannaarinermut piumasaqaatit eqqortippatikkitt, § 9, imm. 4-mi aalajangersarneqartut.
- b) Pisortat oqartussa qarfiisa, pisortat inatsisitigut sulia qarfiisa aamma inatsisilerinermik sulia qarfiit inuussutissarsiuteqarnikkut kinaassutsinik aamma allagartanik tunniussisinnaanerannik aamma piginnaatitaanernik ingerlatsisinnaanerannik.

Kapitali 7

NemLog-in-imik ingerlatsineq

§ 9. Danmarkimi Digitaliseringsstyrelsenip isumagaa NemLog-in-imik ingerlatsineq, tassunga ilagitillugu pisortat oqartussa qarfiisa, pisortat inatsisitigut sulia qarfiisa aamma inatsisilerinermik sulia qarfiit kinaassusaasa isumannaarneri, NemLog-in-imi kiffartuussivimmi Erhvervsadministration-imi atuisut kattuffiisut pilersinneqaraangata. Danmarkimi Digitaliseringsstyrelsenip isumannaarpaa, Erhvervsadministration-imi kiffartuussiveqarfimmi atuisut kattuffiisa NemLog-in-imi isersinnaanerat aamma inuussutissarsiuteqartutut atuisut digitalimik kinaassusaasa imm. 4-imi malittarisassat aalajangersakkat malillugit matusinnaaneri aamma ammaqqissinnaaneri.

Imm. 2. Inuk, inuussutissarsiuteqartutut kiffartuussivimmi Erhvervsadministration-imi nalunaarsorneqartussa, MitID-ini inuttut atugassani nalunaarsorneqarnermini kinaassutsiminik isumannaarinermut atorsinnaavaa.

Imm. 3. Inuussutissarsiuteqartutut atuisup elektroniskimik kinaassusersiinnermut atortuni, inuup MitID-imik kinaassusaanut atasoq, inuussutissarsiuteqartutut kinaassusiminut atatilersinnaavaa, taamaalilluni pineqartup taaneqartoq kinaassusersiinnermut atortuni inuussutissarsiuteqartutut kinaassuseq ataaseq imaluunniit arlallit uppersarsinnaallugit. Atassusiliineq inuussutissarsiuteqartumut aamma atuisutut kattuffimmut nammineq piomassutsimiippoq, inuussutissarsiuteqartumut atasoq.

Imm. 4. Finansministerip NemLog-in-imik aqutsinnermut malittarisassanik aalajangersaassaaq, tassunga ilagitillugit atuisut kattuffiisa kinaassusaannik isumannaarinnermut aamma inuussutissarsiuteqartut digitalimik kinaassusaannik matusinnermut aamma ammaanermut aamma Danmarkimi Digitaliseringsstyrelsenimut malittarisassat makkua malillugit aalajangiinerit pillugit naammagittaaliorsinnaanermut.

§ 10. Danmarkimi Digitaliseringsstyrelsenip pisortat oqartussaarfii, pisortat inatsisitigut suliaqarfii aamma inatsisilerinnermik suliaqarfiit toqqarsinnaavai Danmarkimi Digitaliseringsstyrelseni sinnerlugu § 8, imm. 1, pkt. 2. malillugu suliaqarnissamut aamma § 9, imm. 1 malillugu suliaqarnissamut.

Kapitali 8

NemLog-in-imik atuineq

§ 11. Pisortat oqartussaarfii, pisortat inatsisitigut suliaqarfii digitalimik imminut kiffartuunnermut aqqissuussinnermik atuisut pisortat suliaqarnissamut, atassusiisartutut kiffartuusseriaatsit makkua atussavaat:

- 1) Iserneq aamma uppersaaneq, tak. § 8, imm. 2, nr. 1, digitalimik imminut kiffartuunnermik aqqissuussinnermut atuisinnaaneq isumannaatsumik uppersaanermik piomasaqaatitaqarfiuppat.
- 2) Digitalimik sinniisuuneq, tak. § 8, imm. 2, nr. 2.

Imm. 2. Pisortat oqartussaarfii aamma pisortat inatsisitigut suliaqarfii atassusiisartutut kiffartuusseriaatsit makkua atorsinnaavaat:

- 1) Iserneq aamma uppersaaneq, tak. § 8, imm. 2, nr. 1, digitalimik imminut kiffartuunnermik aqqissuussinnermut atuisinnaaneq isu-mannaatsumik uppersaanermik piomasaqaatitaqarfiunngippat.
- 2) Digitalimik atsiorneq, tak. § 8, imm. 2, nr. 3.

Imm. 3. Pisortat oqartussaarfii aamma pisortat inatsisitigut suliaqarfii atuisut kattuffiisut kiffartuussivik Erhvervsadministrationi atorsinnaavaat, tak. § 8, imm. 3.

Imm. 4. Pisortat oqartussaarfii aamma pisortat inatsisitigut suliaqarfii imm. 1-imi taaneqartutut pisumi Danmarkimi Digitaliseringsstyrelsenimiit kiffartuussiviit pissarsiarissavaat. Pisortat oqartussaarfii aamma pisortat inatsisitigut suliaqarfii imm. 2-mi aamma 3-mi taaneqartutut pisuni Danmarkimi Digitaliseringsstyrelsenimiit kiffartuussiviit pissarsiarisinnaavaat.

§ 12. Inatsisilerinnermik suliaqarfiit kiffartuussiveqarfiit § 8, imm. 2, nr. 1-imi aamma 3-mi aamma imm. 3-mi taaneqartut atornissaannut Danmarkimi Digitaliseringsstyrelsenimut isumaqatigiissuteqarsinnaapput.

Immikkoortoq IV
Inunnut paasissutissanik suliarinnineq

Kapitali 9

*Inunnut paasissutissanik suliarinnineq aamma
data-nik nalorninartunik ingerlatitseqqiineq*

§ 13. Inuup MitID-imik atuinerani imaluunniit inuussutissarsiuteqartup MitID-imi isernermut aamma uppersaanermit elektroniskimik kinaassusersiinermit atortumik atuinerani, Danmarkimi Digitaliseringsstyrelseni uppersaanermit akissummik ingerlatitseqqiisinnaavoq, tassunga ilagitillugu brokerimut nuussinermut piviusumut atatillugu data-nik nalorninartunik ingerlatitseqqiineq, MitID-imik aqqissuussinermut imaluunniit NemLog-in-imut atassuteqartunut.

Imm. 2. Data-t nalorninartut imm. 1 malillugu ingerlateqqitat tunngavigalugit brokeri iserneq pillugu immineertunik aalajangiisinnaavoq.

Imm. 3. Imm. 1 malillugu uppersaanermit akissummik brokeri tigusaqarsimasoq, tigusani ingerlateqqiisinnaavaa aamma atassusiisartumut uppersaanermit akissut suliarineqarsimasoq MitID-imik aqqissuussinerminganniit uppersaanernik tigususoq.

Imm. 4. Inuussutissarsiuteqartup, sumiiffimmi aalajangersimasumi kinaassutsinik qulakkeerinnittartumiit NemLog-in-imut atassuteqartumiit, elektroniskimik kinaassusersiinermit atortumik atuinerani, Danmarkimi Digitaliseringsstyrelseni brokerimut nuussinermut piviusumut atatillugu kinaassusersiinermit akissummik ingerlatitseqqiisinnaavoq, NemLog-in-imut atassuteqartumut.

Imm. 5. Brokeri imm. 4 malillugu, kinaassusersiinermit akissummik tigusaqarsimasoq, tigusani aamma kinaassusersiinermit akissut suliarineqarsimasoq atassusiisartumut ingerlateqqiisinnaavaa, brokeri aqqutigalugu NemLog-inimiit uppersaatinik tigusaqartumut.

§ 14. Danmarkimi Digitaliseringsstyrelsenip, atsiornerit tatiginassusaannik naqissusiisarfimmi kiffartuussivimmi Digital signering-imi digitalimik atsiornerit tatiginassusaannik naqissusiinermit atatillugu, inuunnut paasissutissat mianerisassat sivikitsumik aamma teknikkikkut illersugaasumi suliarisinnaavai.

Immikkoortoq V
Aalajangersakkat allat

Kapitali 10

Akiliutinik aamma akissarsianik akiliisitsiniarneq

§ 15. Finansministeri, inuunnut MitID-imik atuisutut nalunaarsuinermit aamma atulersitsinermit atatillugu akiliutinik akileeqqusisarnermut malittarisassanik aalajangersaasinnaavoq.

Imm. 2. Danmarkimi Digitaliseringsstyrelseni MitID-imik aqqissuussinermut aamma NemLog-in-imut atassutilerneqarnermit aamma atuinermit akissarsiat pillugit inatsisilerinermik suliaqarfinnut isumaqatigiissusiussaaq.

Imm. 3. Pisortat oqartussaqaarfii aamma pisortat inatsisitigut suliaqaarfii MitID-imik aaqqissuussineq aamma NemLog-in pisortat ataatsimoorussamik aningaasaliinerat aqqutigalugu akilissavaat imaluunniit finansministerimit aalajangersarneqartunik akissarsianik akiliinikkut.

Kapitali 11

Atorsinnaasaqartitsinermut malittarisassat aamma pisortat oqartussaqaarfiisa aamma pisortat inatsisitigut suliaqaarfiisa atuinerat

§ 16. Finansministeri pisortat oqartussaqaarfiinut aamma pisortat inatsisitigut suliaqaarfiinut atorsinnaasaqartitsinermut malittarisassanik aalajangersaassaaq, tak. §§ 3 aamma 8, aamma pisortat oqartussaqaarfiisa aamma pisortat inatsisitigut suliaqaarfiisa MitID-imik aaqqissuussinermut aamma NemLog-in-imut atassusernissaannut aamma atuinissaannut malittarisassanik.

Kapitali 12

Peqqussut

§ 17. Danmarkimi Digitaliseringsstyrelsenip nalunaaruteqarnikkut pisortat oqartussaqaarfii aamma pisortat inatsisitigut suliaqaarfii peqqusinnaavai § 6, imm. 1, aamma § 11, imm. 1 naapertorlugit pisussaaffinnik naammassinninnissamut.

Kapitali 13

Nakkutilliineq

§ 18. Danmarkimi Digitaliseringsstyrelsenip MitID-imik aaqqissuussinermik aamma NemLog-in-imik ingerlatsineq, aserfallatsaaliuineq aamma aqutsineq isumagaa, tassunga ilanngullugu aaqqissuussinerit taakkua inuiaqatigiinni id-imik aaqqissuussinernik nalinginnaasunik malinninnissaannik isumaginninneq.

Imm. 2. Finansministeri Danmarkimi Digitaliseringsstyrelsenip imm. 1 malillugu nakkutiginninnera pillugu malittarisassanik aalajangersaasinnaavog, tassunga ilagitillugu Danmarkimi Digitaliseringsstyrelsenip, ministerimik pineqartumik isumaqatigiissuteqarfeqareerneratigut, nakkutiginninnermut oqartussanik allanik suleqatiginninneranut malittarisassanik.

Kapitali 14

Nipangiussisimasussaataaneq

§ 19. Pisortat oqartussaqaarfiini sulisut aamma kikkulluunniit pisortat oqartussaqaarfiinut ikiuuttut, Kalaallit Nunaanni Pinerluttulerinermik Inatsimmi § 50-54 malillugit akisussaaffeqartut, pisussaapput MitID-imik aaqqissuussinermi aamma NemLog-in-imi teknikkikkut aamma isumannaallisaanerup ilusiligaaneranut tunngasut aammalu atatitsinermut, aserfallatsaaliuinnermut aamma isumannaallisaanikkut ingerlatsinermut

periutsinut paasissutissat pillugit susassaqqangitsunut nipangiussisimanissaq pillugu nakkutigininnissamut.

Kapitali 15

Ingerlatsineranut inatsisip atornera

§ 20. Pisortat ingerlatsinerat pillugu inatsit MitID-imik atulersitsinerit, matusinerit aamma aammaaqqinnerit pillugit aalajangiinernut atuuppoq, tak. § 4, imm. 2, inatsilerinermik suliaqarfinit aalajngerneqartunut, § 5, imm. 1 malillugu toqqarneqartunut. Pisortat ingerlatsineranni suliaqarfinit aalajangiinernut atuuppoq, tak. § 5, imm. 1.

Imm. 2. Pisortat ingerlatsinerat pillugu inatsit inatsilerinermik suliaqarfiit kinaassusaannik isumannaarineq, NemLog-in-imi Erhvervsadministration-imut atuisut kattuffiit isersinnaajunnaarsitsineq aammalu digitalinik kinaassutsinik matusineq pillugit aalajangiinernut atuuppoq, tak. § 9, imm. 4, inatsilerinermik suliaqarfinit aalajangerneqartunut Pisortat ingerlatsineranni suliaqarfinit aalajangiinernut atuuppoq, tak. § 10.

Kapitali 16

Taarsiissuteqarnissamut akisussaaffik

§ 21. Danmarkimi Digitaliseringsstyrelseni inunnut, pisortat oqartussaqaarfiinut, pisortat inatsisitigut suliaqarfiinut imaluunniit inatsilerinermik suliaqarfinit, MitID-imik nalunaarsuineranut aamma atulersitsineranut, aamma inuup imaluunniit inuussutissarsiteqartup atuineranut aamma uppersaaneranut atatillugu kukkunerit pillugit taarsiissuteqarnissamut akisussaaffeqarpoq, imaassimangippat Danmarkimi Digitaliseringsstyrelsenip qularnarunnaarsinnaagaa Danmarkimi Digitaliseringsstyrelseni piaarisimangitsoq imaluunniit mianersuaalliorsimangitsoq.

Kapitali 17

Aallartitat

§ 22. Finansministerip ministeri susassaqartoq isumaqatigiissuteqarfigereerneratigut naalagaaffiup oqartussaqaarfia alla pisinnaatissinnaavvaa uani inatsimmi Danmarkimi Digitaliseringsstyrelsenimut pigittinneqartunik atuinnissamut, pineqartumik ministerimik isumaqatigiissuteqareernikkut.

Kapitali 18

Siunissami elektroniskimik kinaassusersiineranut aqqissuussanik aqutissiuussineq

§ 23. Danmarkimi Digitaliseringsstyrelsenip pisortat oqartussaqaarfii, pisortat inatsisitigut suliaqarfii aamma inatsilerinermik suliaqarfiit, siunissami digitalimik kinaassusersiineranut

aaqqissuussat, MitID-imik aaqqissuussinertut ittut imaluunniit aaqqissuussinerit allat taartaasinnaasut, aqutissiuunnissaannut suleqatigisinnaavai.

Immikkoortoq VI
Atuutilerfia il. il.

Kapitali 19

Atuutilerfia aamma ikaarsaariarnermi malittarisassat

§ 24. Finansministerip Naalakkersuisut isumaqatigiinniaqatigereerlugit peqqussutip atuutilerfissaa aalajangersassavaa aammalu aalajangersinnaallugu peqqussummi immikkoortut assigiinngitsut piffissani assigiinngitsuni atuutilersinneqarsinnaanerat.

§ 25. Finansministerip Naalakkersuisut isumaqatigiinniaqatigereerlugit inunnut aamma inatsilerinermik suliaqarfinni sulisunut NemID-mik digitalimik atsiorneqartartumik atulersitsisarneq pillugu inatsit nr. 439, 8. maj 2018-imeersup, kunngip peqqussutaatigut nr. 1484, 11. december 2018-imeersukkut Kalaallit Nunaannut atuutilersinneqartup, atorunnaarsinneqarnissaanut piffissaq aalajangersassavaa.

Tunniunneqarpoq Amalienborgimi, ulloq xx.

Kunngisut Atsiorpugut Naqissusiillutalu

MARGRETHE R.

/Nicolai Wammen